

SAMÞYKKT

um breytingu á samþykkt um stjórn Hafnarfjarðarkaupstaðar og fundarsköp bæjarstjórnar, nr. 637/2002, sbr. samþykktir nr. 804/2003, 785/2006 og 577/2010.

1. gr.

3. tölul. 2. mgr. 11. gr. samþykktarinnar verður svohljóðandi:

Önnur mál sem falla undir verksvið bæjarstjórnar og bæjarstjóri eða forseti ákveður að taka á dagskrá eða einhver bæjarfulltrúi óskar að tekin verði á dagskrá. Bæjarfulltrúi sem óskar að fá mál tekið á dagskrá bæjarstjórnarfundar skal tilkynna það bæjarstjóra skriflega, ásamt því að skila nauðsynlegum gögnum, fyrir kl. 14.00 á föstudegi fyrir reglulegan fundartíma bæjarstjórnar á miðvikudegi kl. 14.00.

2. gr.

Við 12. gr. samþykktarinnar bætist setningin:

Heimilt er að senda dagskrá ásamt fylgigögnum með rafrænum hætti í gegnum fundagátt bæjarins og skal þá miðað við sömu tímamörk og ef um boðsendingu væri að ræða.

3. gr.

2. mgr. 28. gr. samþykktarinnar verður svohljóðandi:

Bæjarfulltrúi á rétt á að fá bókaða stutta athugasemd um afstöðu sína til máls sem til umræðu er í bæjarstjórn. Heimilt er að hafa bókanir lengri þegar fjallað er frumvarp að fjárhagsáætlun og ársreikninga bæjarsjóðs og stofnana hans.

4. gr.

Eftirfarandi breytingar verða á 32. gr. samþykktarinnar:

a) 2. mgr. greinarinnar verður svohljóðandi:

Mál sem tekin eru fyrir á lokuðum fundi skal skrá sem trúnaðarmál.

b) 3. mgr. greinarinnar verður svohljóðandi:

Fundargerð skal skráð í tölvu. Færa skal í gerðabók bæjarstjórnar númer fundar, hvar og hvenær fundurinn er haldinn og að fundargerð sé færð í tölvu. Þá skal færa í gerðabók fundarslit og greina blaðsíðutal fundargerða. Viðstaddir bæjarfulltrúar skulu rita nöfn sín við slit fundar í gerðabók. Í lok fundarins skal tölvuskráð fundargerð prentuð út og hún undirrituð af fundarmönnum. Einnig skal forseti og a.m.k. einn fundarmanna setja upphafsstafi sína undir hverja blaðsíðu fundargerða sem blaðsíðusettar skulu í áframhaldandi töluröð. Undirritaðar tölvuskráðar fundargerðir skulu reglulega bundnar inn til varanlegrar varðveislu.

5. gr.

Ný málsgrein bætist við 33. gr. samþykktarinnar sem er svohljóðandi:

Bæjarstjórn skal setja ítarlegri málsmeðferðarreglur um framkvæmd þessa ákvæðis.

6. gr.

Ný málsgrein bætist við 35. gr. samþykktarinnar sem er svohljóðandi:

Bæjarstjórn setur sér siðareglur. Í upphafi hvers kjörtímabils skal ný bæjarstjórn meta hvort ástæða sé til endurskoðunar þeirra. Ef niðurstaðan er sú að siðareglur þarfnist ekki endurskoðunar halda þær gildi sínu.

7. gr.

55. gr. samþykktarinnar verður svohljóðandi:

Bæjarstjórn kys fulltrúa í eftirtalin ráð, nefndir og stjórnir:

A. **Til eins árs.** Á fundi í júní ár hvert:

1. *Bæjarráð.* Fimm bæjarstjórnarmenn sem aðalmenn og jafnmargir til vara skv. 38. gr. sveitarstjórnarlaga nr. 45/1998. Þeir aðal- og varafulltrúar sem kosningu hafa hlotið af sama

framboðslista og hinn kjörni bæjarráðsmaður verða varamenn hans í þeirri röð sem þeir skipuðu listann.

2. *Fjölskylduráð*. Fimm aðalmenn og jafnmargir til vara.
3. *Fræðsluráð*. Fimm aðalmenn og jafnmargir til vara.
4. *Umhverfis- og framkvæmdaráð*. Fimm aðalmenn og jafnmargir til vara.
5. *Skipulags- og byggingaráð*. Fimm aðalmenn og jafnmargir til vara.
6. *Bláfjallanefnd*. Einn maður samkvæmt auglýsingu um fólkvang í Bláfjöllum nr. 97/1973.
7. *Íþróttá- og tómstundanevnd*. Þrjú aðalmenn og jafnmargir til vara.
8. *Menningar- og ferðamálanefnd*. Þrjú aðalmenn og jafnmargir til vara.
9. *Stjórn Eftirlaunastjórnar starfsmanna Hafnarfjarðarkaupstaðar*. Einn maður og einn til vara skv. 41. gr. reglugerðar um sjóðinn.
10. *Stjórn Hafnarborgar*. Tveir menn kosnir í stjórn Hafnarborgar, menningar- og listastofnunar Hafnarfjarðar samkvæmt gjafabréfi frá 1. júlí 1983. Bæjarstjóri er sjálfkjörinn í stjórnina.
11. *Stjórn Reykjanesfólksvangs*. Einn maður samkvæmt auglýsingu um fólkvang á Reykjanesi nr. 520/1975.
12. *Stjórn Sorpeyðingar höfuðborgarsvæðisins bs.* Einn aðalmaður og einn til vara og tveir menn í fulltrúaráð.
13. *Stjórn Slökkviliðs höfuðborgarsvæðisins bs.* Einn aðalmaður og einn til vara.
14. *Stjórn starfsmenntunarsjóðs*. Tveir menn samkvæmt ákvæði kjarasamnings við Starfsmannafélag Hafnarfjarðar frá 9. september 1980.
15. *Stjórn Strætó bs.* Einn aðalmaður og einn til vara.
16. *Stjórn Suðurlinda ohf.* Tveir aðalmenn og jafnmargir til vara. Ef sveitarfélagið gegnir formennsku í stjórn Suðurlinda er kosinn einn aðalmaður og einn til vara.
17. *Fulltrúaráð SSH*. Tveir aðalmenn.
18. *Samvinnunefnd um svæðisskipulag á höfuðborgarsvæðinu*. Tveir aðalmenn.
19. *Stjórn GN-eigna ehf.* Fimm aðalmenn og þrjú til vara. Formannskjör.

B. Til fjögurra ára:

1. *Almannavarnanefnd*. Tveir aðalmenn og jafnmargir til vara skv. 8. gr. laga um almannavarnir nr. 82/2008.
2. *Barnaverndarnefnd*. Fimm aðalmenn og jafnmargir til vara samkvæmt barnaverndarlögum nr. 80/2002.
3. *Hafnarstjórn*. Fimm aðalmenn og jafnmargir til vara skv. 10. gr. hafnalaga nr. 61/2003 og grein 2.2 í hafnarreglugerð fyrir Hafnarfjarðarhöfn nr. 375/1985.
4. *Heilbrigðisnefnd*. Hafnarfjarðarkaupstaður, Sveitarfélagið Álftanes, Garðabær og Kópavogsbær kjósa sameiginlega fimm aðalmenn og jafnmarga til vara í nefndina skv. 11. gr. laga um hollustuhætti og mengunarvarnir nr. 7/1998. Bæjarstjórn Hafnarfjarðar kýs tvo aðalmenn og jafnmarga til vara.
5. *Kjörstjórn við sveitarstjórnar- og alþingiskosningar*. Þrjú aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og skv. 15. gr. laga um kosningar til Alþingis nr. 24/2000.
6. *Skoðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
7. *Skólanefnd Flensborgarskóla*. Tveir aðalmenn og jafnmargir til vara skv. 5. gr. laga um framhaldsskóla nr. 92/2008.
8. *Skólanefnd Iðnskóla Hafnarfjarðar*. Tveir aðalmenn og jafnmargir til vara skv. 5. gr. laga um framhaldsskóla nr. 92/2008.

C.

Bæjarstjórn skipar fimm fulltrúa í þjónustuhóp aldraðra til fjögurra ára, sbr. 7. gr. laga um málefni aldraðra nr. 125/1999. Yfirlæknir heilsugæslu tilnefnið lækni með sérmenntun á sviði öldrunar- eða heimilislækninga og hjúkrunarforstjóri heilsugæslu tilnefnið hjúkrunarfræðing með þekkingu á öldrunarþjónustu. Bæjarstjórn skipar án tilnefningar tvo fulltrúa sem hafa þekkingu á félagslegri þjónustu við aldraða. Skal annar þeirra vera félagsráðgjafi eða hafa hliðstæða menntun. Samtök eldri borgara á svæðinu tilnefna einn fulltrúa úr sínum röðum.

8. gr.

58. gr. samþykktarinnar verður svohljóðandi:

Bæjarstjórn er heimilt að fela eftirtöldum embættismönnum fullnaðarafgreiðslu mála á sama hátt og með sömu skilyrðum og nefnd eru í 57. gr.:

1. Skipulags- og byggingarfulltrúa að afgreiða mál samkvæmt samþykkt um afgreiðslur skipulags- og byggingarfulltrúa Hafnarfjarðarkaupstaðar á deiliskipulagserindum nr. 767/2005.
2. Lögmanni Hafnarfjarðarkaupstaðar í umboði bæjarráðs samkvæmt lögum um veitingastaði, gististaði og skemmtanahald nr. 85/2007 og gildandi lögreglusamþykkt:
 - a) Að veita umsögn vegna umsóknar um rekstrarleyfi til sölu gistingar og/eða veitinga og sölu veitinga, hvort sem er í mat eða drykk, bæði áfengra og óáfengra, og/eða útleigu samkomusala í atvinnuskyni, sbr. 4. mgr. 10. gr. laga nr. 85/2007;
 - b) Að veita umsögn vegna umsóknar um tækifærisleyfi fyrir einstakar skemmtanir og atburði sem fram fara utan veitinga- og gististaða í atvinnuskyni, sbr. 4. mgr. 17. gr. laga nr. 85/2007.
3. Forstöðumanni félagsþjónustunnar að veita fjárhagsaðstoð til framfærslu í samræmi við reglur um fjárhagsaðstoð hjá Hafnarfjarðarkaupstað, samþykktar af bæjarstjórn 9. febrúar 2011, nr. 180/2011.

9. gr.

63. gr. samþykktarinnar verður svohljóðandi:

Bæjarstjóri undirbýr bæjaráðsfundi í samráði við sviðsstjóra stjórnsýslu og formann bæjarráðs. Sviðsstjóri stjórnsýslu sér um að bæjarráð sé boðað til fundar með skriflegu fundarboði ásamt dagskrá a.m.k. einum sólarhring fyrir fund. Geti bæjarráðsmaður ekki sótt fund skal hann boða varamann í sinn stað.

10. gr.

1. mgr. 65. gr. samþykktarinnar verður svohljóðandi:

Bæjarráð hefur umsjón með stjórnsýslu bæjarins, starfsmannamálum, málum sem falla undir stjórnsýslulög nr. 37/1993, upplýsingalög nr. 50/1996, málefni sem falla undir stjórn Slökkviliðs höfuðborgarsvæðisins bs. eða stjórnir annarra fyrirtækja sem Hafnarfjarðarkaupstaður á aðild að. Bæjarráð undirbýr árlega fjárhagsáætlun, semur drög að fjárhagsáætlun bæjarsjóds, stofnana hans og fyrirtækja að fengnum tillögum hlutaðeigandi ráða og stjórna og leggur þau fyrir bæjarstjórn í samræmi við ákvæði sveitarstjórnarlaga. Þá sér bæjarráð um að ársreikningar bæjarsjóds séu samdir og þeir ásamt ársreikningum stofnana og fyrirtækja bæjarfélagsins lagðir fyrir bæjarstjórn til afgreiðslu svo sem sveitarstjórnarlög mæla fyrir um. Bæjarráð fer með upplýsinga- og markaðsmál, menningar- og ferðamál og málefni miðbæjarins. Jafnframt gegnir bæjarráð hlutverki jafnréttisnefndar samkvæmt 12. gr. laga um jafna stöðu og jafnan rétt kvenna og karla nr. 10/2008.

11. gr.

66. gr. samþykktarinnar verður svohljóðandi:

Nefndir sem heyra undir bæjarráð:

- Kjörstjórn við alþingis- og sveitarstjórnarkosningar
- Stjórn fráveitu Hafnarfjarðar
- Stjórn fasteignafélags Hafnarfjarðar
- Menningar- og ferðamálanefnd
- Stjórn Hafnarborgar
- Lýðræðis- og stjórnsýslunefnd.

12. gr.

Í stað orðsins „fjölskyldusviðs“ í 69. gr. samþykktarinnar kemur: fjölskylduþjónusta.

13. gr.

71. gr. samþykktarinnar verður svohljóðandi:

Fjölskylduráð fer með mál sem heyra undir lög nr. 40/1991 um félagsþjónustu sveitarfélaga og barnaverndarlaga nr. 80/2002, barnalaga nr. 76/2003, lög nr. 44/1998 um húsnæðismál, lög nr. 59/1992 um málefni fatlaðs fólks og fleiri lög sem varða málin sem heyra undir ráðið. Fjölskylduráð fer einnig með öldrunarmál, vinnumarkaðsúrræði, æskulýðs-, tómstunda- og íþróttamál, forvarnir samkvæmt lögum um landlækni og lýðheilsu, og heilbrigðismál, nr. 18/2003.

14. gr.

Í 72. gr. samþykktarinnar falla á brott:

Forvarnanefnd
Menningar- og ferðamálanefnd
Stjórn Hafnarborgar.

15. gr.

Í stað orðsins „fræðslustjóri“ í 75. gr. samþykktarinnar kemur: sviðsstjóri fræðsluþjónustu.

16. gr.

Í 77. gr. samþykktarinnar bætist við fjórða málsgrein sem er svohljóðandi:

Með vísan til 2. mgr. 47. gr. laga nr. 91/2008 um grunnskóla og 2. mgr. 30. gr. laga nr. 90/2008 um leikskóla skal beina kæru, vegna ákvarðana skv. 1. mgr. 47. gr. grunnskólalaga og 1. mgr. 30. gr. leikskólalaga, til fræðsluráðs áður en unnt er að kæra slíka ákvörðun til ráðherra.

17. gr.

82. gr. samþykktarinnar verður svohljóðandi:

Skipulags- og byggingaráð fer með mál sem heyra undir skipulagslög nr. 123/2010, lög um mannvirki nr. 160/2010, lög nr. 106/2000 um mat á umhverfisáhrifum og lög sem snúa að umferðarmálum.

Skipulags- og byggingaráð gerir tillögur til bæjarstjórnar um afgreiðslu einstakra mála sem það fær til meðferðar. Þá getur bæjarstjórn falið skipulags- og byggingaráði fullnaðarafgreiðslu mála nema lög mæli á annan veg.

Í því skyni að stuðla að hagræðingu, skilvirkni og hraðari málsmeðferð er byggingarfulltrúa falin veiting byggingarleyfa í samræmi við 9. gr. laga um mannvirki nr. 160/2010. Telji byggingarfulltrúi að erindi sé bersýnilega í ósamræmi við skipulagsáætlanir, skipulagsskilmála og/eða byggingarreglugerð eða óvissu ríkja um hvort uppfyllt séu ákvæði laga, reglugerða og samþykta, skal hann vísa málinu til afgreiðslu skipulags- og byggingaráðs, sem fjallar þá um byggingaráformin í samræmi við 11. gr. laga um mannvirki nr. 160/2010. Einnig er heimilt að ákveða að fela öðrum aðilum en skipulags- og byggingaráði afgreiðslu mála sem ekki varða verulega fjárhag sveitarfélagsins. Afgreiðslum slíkra mála má þó ætíð skjóta til skipulags- og byggingaráðs eða bæjarstjórnar. Skipulags- og byggingaráð setur nánari reglur um notkun slíkra heimilda og skulu þær staðfestar í bæjarstjórn.

18. gr.

83. gr. samþykktarinnar fellur brott og röðun ákvæða breytist í samræmi við það.

19. gr.

Yfirskrift 84. gr. samþykktarinnar (sem verður 83. gr.) verður: *Um umhverfis- og framkvæmdaráð.*

20. gr.

Í 84. – 88. gr. samþykktarinnar (sem verða 83. – 87. gr.) breytist framkvæmdaráð og framkvæmdasvið í: umhverfis- og framkvæmdaráð og umhverfis- og framkvæmdasvið.

21. gr.

1. mgr. 88. gr. samþykktarinnar (sem verður 1. mgr. 87. gr.) verður svohljóðandi:

Umhverfis- og framkvæmdaráð fer með mál sem falla undir umhverfis- og framkvæmdasvið, svo sem mannvirkjagerð, eignarekstur, veitustarfsemi og umferðarmál, samkvæmt ákvæðum laga og málefni sem falla undir stjórn Sorpu bs. og stjórn Strætó bs. Ráðið annast þau verkefni sem gróðurverndarnefnd eru falin samkvæmt lögum um landgræðslu nr. 17/1965 og náttúruverndarnefnd samkvæmt lögum um náttúruvernd nr. 44/1999 og staðardagskrá.

22. gr.

90. gr. samþykktarinnar (sem verður 89. gr.) verður svohljóðandi:

Bæjarstjóri undirbýr fundi bæjarráðs í samráði við sviðsstjóra stjórnsýslu og formann bæjarráðs og fundi bæjarstjórnar í samráði við forseta bæjarstjórnar, semur dagskrá og boðar til funda. Hann á sæti á fundum bæjarstjórnar og bæjarráðs og hefur þar málfrelsi og tillögurétt en á ekki atkvæðisrétt nema hann sé kjörinn fulltrúi í bæjarráð og bæjarstjórn. Hann hefur og rétt til setu á fundum ráða og nefnda bæjarins með sömu réttindum.

Bæjarstjóri hefur á hendi framkvæmd ákvarðana bæjarstjórnar og málefna bæjarins að svo miklu leyti sem bæjarstjórn hefur ekki ákveðið annað.

Bæjarstjóri er prókúruhafi bæjarsjóðs. Hann undirritar skjöl varðandi kaup og sölu fasteigna bæjarins, lántökur og aðrar skuldbindingar eða ráðstafanir sem samþykki bæjarstjórnar þarf til. Bæjarstjóra er heimilt að veita bæjarlögmanni og fjármálastjóra prókúru.

Bæjarstjóri er æðsti yfirmaður starfslíðs bæjarins. Í forföllum bæjarstjóra gegnir sviðsstjóri stjórnsýslu störfum hans nema þau séu falin öðrum. Forfallist bæjarstjóri um lengri tíma skal bæjarráð setja mann til að gegna störfum hans, en þó aldrei í lengri tíma en þrjá mánuði í senn.

23. gr.

Í stað orðsins „auglýsinganna“ í 95. gr. samþykktarinnar (sem verður 94. gr.) kemur: auglýsinga.

24. gr.

Í stað orðsins „félagsmálaráðuneyti“ í 100. og 101. gr. samþykktarinnar (sem verða 99. gr. og 100. gr.) kemur: innanríkisráðuneyti.

Samþykkt þessi sem samin er og samþykkt af bæjarstjórn Hafnarfjarðarkaupstaðar samkvæmt 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

Innanríkisráðuneytinu, 16. september 2011.

F. h. r.

Hermann Sæmundsson.

Stefanía Traustadóttir.